

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U TEŠNJU
Broj: 039-0-SU-26-000358
Tešanj, 8.7.2026.godine

Na osnovu člana 31. Zakona o sudovima u Federaciji Bosne i Hercegovine („Službene novine Federacije Bosne i Hercegovine“, broj: 38/05,22/06,63/10,7/13,52/14 i 85/21) i člana 48. Pravilnika o unutrašnjoj organizaciji i sistematizaciji radnih mjesta Općinskog suda u Tešnju broj: 039-0-SU-25-000-548-1 od 25.02.2026.godine, predsjednica Općinskog suda u Tešnju Irma Blambić, objavljuje:

JAVNI OGLAS

za prijem diplomiranog pravnika u svojstvu pripravnika-volontera u Općinski sud u Tešnju

I

Raspisuje se oglas za prijem diplomiranog pravnika u svojstvu pripravnika - volontera (u daljem tekstu: pripravnik – volonter) za potrebe Općinskog suda u Tešnju na period od 2 (dvije) godine, bez zasnivanja radnog odnosa, radi stručnog osposobljavanja za samostalan rad na poslovima iz svoje struke i sticanja potrebnog radnog iskustva.

II

Međusobna prava i obaveze između pripravnika - volontera i rukovodioca Općinskog suda u Tešnju uređuju se ugovorom. Po završetku stručnog osposobljavanja rukovodilac Općinskog suda u Tešnju će pripravniku - volonteru izdati potvrdu/uvjerenje o obavljenom stručnom osposobljavanju.

III

Svi kandidati treba da ispunjavaju opće uslove za rad u pravosudnim isntitucijama i to:

- da je državljanin Bosne i Hercegovine
- da je stariji od 18 godina
- da ima opću zdravstvenu sposobnost

IV

Pored općih uslova, kandidati trebaju da ispunjavaju i poseban uslov i to:

- da je diplomirani pravnik visoke stručne spreme - VII stepen ili da ima Visoko obrazovanje prvog (koji se vrednuje sa 240 ECST bodova), drugog ili trećeg cilusa Bolonjskog sistema studiranja.

V

Uz prijavu je potrebno priložiti, u originalu ili ovjerenoj fotokopiji, sljedeće dokaze:

- diplomu o završenom fakultetu
- fotokopiju lične karte ili potvrdu o prebivalištu
- dokaz o dužini trajanja nezaposlenosti (uvjerenje nadležne Službe za zapošljavanje)
- dokaz o eventualnom postojanju invalidnosti iznad 60%
- dokaz da nema ostvaren radni staž od 1 (jedne) godine i više nakon sticanja visoke stručne spreme, što se dokazuje potvrdom/uvjerenjem PIO/MIO da nije registrovan u podacima matične evidencije PIO/MIO (ovjerena kopija ne starija od 15 dana)
- ovjerenu izjavu da se kandidat, nakon sticanja visoke stručne spreme – pravne struke koji je vrednovan sa najmanje 240 ECTS bodova, nije stručno osposobljavao za samostalan rad na poslovima iz svoje struke i za sticanje potrebnog radnog iskustva za period od jedne (1) godine i više.

Kandidat koji bude izabran za pripravnika – volontera uvjerenje o zdravstvenoj sposobnosti mora dostaviti rukovodiocu Općinskog suda u Tešnju, najkasnije do zaključivanja Ugovora o stručnom osposobljavanju.

VI

Kandidati koji zadovolje opće i posebne uslove člana IV i člana V biti će pozvani na intervju nakon kojeg će isti biti obaviješteni o odluci o izboru pripravnika-volontera u Općinskom sudu u Tešnju.

VII

Prijave sa navedenom dokumentacijom kojom se dokazuje da kandidat ispunjava opće i posebne uslove dostavljaju se Općinskom sudu u Tešnju, Krndija bb, 74260 Tešanj, putem pošte ili lično u prijemnu kancelariju suda, u zatvorenoj kovrti, sa naznakom „**Za javni oglas za prijem pripravnika – volontera u Općinskom sudu u Tešnju – ne otvarati**“ u roku od 15 dana od dana objavljivanja na web stranici Općinskog suda u Tešnju. Javni oglas će biti objavljen na oglasnoj ploči Općinskog suda u Tešnju, web portalu Općinskog suda u Tešnju <https://opsud-tesanj.pravosudje.ba/vstvfo/B/39> i na oglasnoj ploči Službe za zapošljavanje Tešanj. Nepotpune i neblagovremene prijave neće biti uzete u razmatranje. O rezultatima javnog oglasa kandidati će biti pismeno obaviješteni.



Predsjednica suda

Irma Blambić